

D^a. M^a JESÚS LAGO REY, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na sesión ordinaria do **10 de abril de 2015**, adoptou o seguinte acordo:

6.- ADXUDICACIÓN DO PROCEDEMENTO ABERTO PARA A CONTRATACIÓN DOS SERVIZOS DE CONSERVACIÓN E REPOSICIÓN DE PARQUES INFANTÍS, ÁREAS BIOSAUDABLES, AREAS DEPORTIVO XIMNÁSTICAS E MOBILIARIO URBÁN DO CONCELLO DE VIGO. EXPTE. 7524/446.

Examinadas as actuacións do expediente, dáse conta da proposta do 9.03.15, asinado polo secretario da Mesa de Contratación, que di o seguinte:

A Mesa de Contratación celebrada o 5 de marzo de 2015, entre outros, acordou:

4.- Propostas de adxudicación.

a) *Procedemento aberto para a contratación dos servizos de conservación e reposición de parques infantís, áreas biosaudables, áreas deportivo ximnásticas e mobiliario urbán do concello de Vigo (expediente 7524-446)*

LEXISLACIÓN APLICABLE

- *Real Decreto Lexislativo 3/2011, de 14 de novembro, polo que se aproba o texto refundido da Lei de Contratos do Sector Público (TRLCSP).*
- *Real Decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de Contratos do Sector Público (RLCSP).*
- *Real Decreto 1098/2001, de 12 de outubro, polo que se aproba o Regulamento Xeral da Lei de Contratos das Administracións Públicas (RLCAP), no que no se opoña ó Real Decreto Lexislativo 3/2011.*
- *Prego de cláusulas administrativas particulares para a contratación por procedemento aberto dodos servizos de conservación e reposición de parques infantís, áreas biosaudables, áreas deportivo ximnásticas e mobiliario urbán do concello de Vigo (PCAP).*

ANTECEDENTES

Primeiro.- A Xunta de Goberno Local, na sesión do día 20 de febreiro de 2015, adoptou o seguinte acordo:

6.- CLASIFICACIÓN DE OFERTAS PARA A CONTRATACIÓN DO SERVIZO DE CONSERVACIÓN E REPOSICIÓN DE PARQUES INFANTÍS E ÁREA BIOSAÚDABLES. EXPTE. 7524/446.

“Primeiro.- Clasificar, de acordo cos criterios de adxudicación sinalados no prego, as proposicións admitidas no “Procedemento aberto para a contratación dos servizos de conservación e reposición de parques infantís, áreas biosaudables, áreas deportivo

ximnásticas e mobiliario urbán do concello de Vigo. (expediente 7524-446)” no seguinte orde decrecente:

<i>Empresa</i>	<i>Puntos</i>
<i>FERROVIAL SERVICIOS S.A</i>	<i>98,79</i>
<i>CONTENUR S.L</i>	<i>96,39</i>
<i>EULEN S.A</i>	<i>87,33</i>
<i>IMESAPI S.A</i>	<i>56,82</i>

Segundo.- Requirir ao licitador clasificado en primeiro lugar, FERROVIAL SERVICIOS, S.A. para que presente, no prazo de dez días hábiles, a contar desde o seguinte a aquel en que recibise o requirimento, a seguinte documentación (artigo 151.2 TRLCSP):

- Declaración responsable de non estar incurso en prohibición de contratar.*
- Certificacións de acharse ao corrente das súas obrigacións tributarias co Estado, Xunta de Galicia e coa Seguridade Social.*
- A documentación esixida na cláusula 8 do prego de cláusulas administrativas particulares.*
- Póliza do seguro de responsabilidade civil por un importe mínimo de 1.000.000 euros.*
- Resgardo da garantía definitiva esixible de acordo co disposto na cláusula 22 do prego de cláusulas administrativas particulares.*

Terceiro.- Requirir ao citado licitador o aboamento de 1443,85 euros en concepto de custe dos anuncios de licitación”.

Acordo

A Xunta de Goberno local aproba a precedente proposta.

Segundo.- Este acordo foi notificado ó licitador clasificado en primeiro lugar o día 20 de febreiro de 2015, que presenta a documentación requirida en data 02 de marzo de 2015, dentro do prazo sinalado.

Terceiro.- Revisada a documentación presentada na sesión da Mesa de contratación de data 05 de marzo de 2015, e dado que esta é correcta, a Mesa, por unanimidade dos membros presentes, acorda propoñer ó órgano de contratación a adxudicación do presente procedemento.

FUNDAMENTOS XURÍDICOS

Primeiro.- A nosa lexislación contractual impón ó órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase ós licitadores e, simultaneamente, publicarse no perfil de contratante (artigo 151.4 TRLCSP).

Recibida tanto a documentación presentada polo licitador clasificado en primeiro lugar como a solicitada de oficio pola administración municipal, e comprobado que esta é correcta, procede adxudicar o presente contrato.

Segundo.- A competencia para formular a proposta de adjudicación ao órgano de contratación correspóndelle á Mesa de contratación. A proposta se realizará a favor do licitador que presente a proposición que contivese a oferta economicamente máis vantaxosa de conformidade co prego de cláusulas administrativas particulares que rexe a licitación (artigo 22.1.g RLCSP).

Terceiro.- A competencia para a resolución do presente expediente correspóndelle á Xunta de Goberno Local (apartado 3 da disposición adicional segunda do TRLCSP), na súa calidade de órgano de contratación.

En mérito ó que antecede, SE PROPÓN Á XUNTA DE GOBERNO LOCAL como órgano de contratación, en uso das facultades que lle confire a lexislación vixente, a adopción do seguinte acordo:

“Adjudicar á Ferrovial Servicios, S.A., o procedemento aberto para a contratación dos servizos de conservación e reposición de parques infantís, áreas biosaudables, áreas deportivas ximnásticas e mobiliario urbano do concello de Vigo (expediente 7524-446), por un prezo de 1.412.609,52 euros (IVE engadido). Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada.”

Visto o informe de fiscalización do 16.03.15, dáse conta do informe-proposta da xefa do Servizo de Contratación, 9.04.15, conformado polo concelleiro delegado de Contratación, a titular de Asesoría Xurídica e fiscalizado de conformidade, que di o seguinte:

NORMATIVA DE APLICACIÓN

- Real Decreto Legislativo 3/2011, de 14 de novembro, polo que se aproba o texto refundido da Lei de Contratos do Sector Público (TRLCSP).
- Real Decreto 1098/2001, de 12 de outubro, polo que se aproba o Regulamento xeneral da Lei de contratos das administracións públicas (RLCAP), no que non se opoña ó TRLCSP.
- Lei 7/1985, de 2 de abril, reguladora das bases do réxime local (LBRL).
- Lei 30/1992, de 26 de novembro, de Réxime Xurídico das Administracións Públicas e do Procedemento Administrativo Común (LRJAP).
- Real Decreto - Legislativo 781/1986, de 18 de abril, texto refundido das disposicións legais vixentes en materia de réxime local (TRRL).
- Lei 5/1997, de 22 xullo, de administración local de Galicia (LALGA).
- Real Decreto - Legislativo 2/2004, de 5 de marzo, polo que se aproba o Texto refundido da Lei Reguladora das Facenda Locais (LHL).

ANTECEDENTES

Primeiro.- En data 10 de outubro de 2014, a Xunta de Goberno Local acordou:

“1º.- Aprobar o gasto (...)

2º Aprobar o expediente de Servizos de Conservación e Reposición de Parques Infantís, Áreas Biosaudables, Áreas deportivas ximnásticas e Mobiliario Urbán do Concello de Vigo que contén o prego de prescricións técnicas particulares de data 19 de setembro de 2014 e o prego de cláusulas administrativas particulares de data 26 de setembro de 2014.

3º Abrir o procedemento de licitación na forma legalmente prevista”.

Segundo.- Tra-la tramitación do procedemento de licitación, a Mesa de Contratación do Concello de Vigo, en sesión de data 5 de marzo de 2015, acordou propoñer á Xunta de Goberno Local como órgano de contratación, a adopción do seguinte acordo:

“Adxudicar á Ferrovial Servicios, S.A., o procedemento aberto para a contratación dos servizos de conservación e reposición de parques infantís, áreas biosaudables, áreas deportivas ximnásticas e mobiliario urbán do concello de Vigo (expediente 7524-446), por un prezo de 1.412.609,52 euros (IVE engadido). Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada.”

Terceiro.- A proposta de adxudicación formulada pola Mesa de Contratación, con carácter previo á súa aprobación, foi sometida a fiscalización previa, de acordo co previsto no artigo 214 da LHL) e na DA 2ª do TRLCSP. No informe de fiscalización se manifesta que con respecto a prestación de mantemento e conservación das áreas biosaudables e áreas deportivas, adxudicouse un contrato con este obxecto en data 12 de decembro de 2014 á empresa CONTENUR ESPAÑA, S.L., iniciándose a execución en data 15 de decembro do mesmo ano por un prazo de 7 meses, polo que o seu remate está previsto o vindeiro 14 de xullo de 2015. En consecuencia, dado que o contrato que nos ocupa ten prevista como data de inicio o día 1 de maio de 2015, solaparíanse as prestacións de ambos os dous contratos durante dous meses e medio. Conclúe o citado informe propoñendo que “no contrato que se formalice deberá constar como período de prestación dos servizos:

- O 1 de maio de 2015, no que se refire á prestación do servizo de mantemento, conservación e reposición de parques infantís e mobiliario urbano.
- O 15 de xullo de 2015, no que se refire á prestación do servizo de mantemento, conservación e reposición das áreas biosaudables e áreas deportivas-ximnásticas.

Cuarto.- Á vista do citado informe de fiscalización, o xefe do servizo de Montes, Parques e Xardíns, elaborou un informe, en data 31 de marzo de 2015, propoñendo ó primeiro clasificado neste procedemento, a mercantil CONTENUR ESPAÑA, S.L., que a prestación relativa ó mantemento, conservación e reposición das áreas biosaudables e áreas deportivas-ximnásticas non entre en vigor ata o 15 de xullo de 2015, coa correspondente detracción do prezo do contrato do importe relativo as citadas prestacións.

Quinto.- En data 6 de abril de 2015, Alfonso Clemente González, actuando en nome e representación de CONTENUR ESPAÑA, S.L., presenta escrito manifestando a conformidade do licitador coa proposta formulada polo xefe de Montes, Parques e Xardíns no informe de data 31 de marzo de 2015.

Sexto.- En data 8 de abril de 2015, o xefe do servizo de Montes, Parques e Xardíns, en dilixencia dirixida ó servizo de Contratación, solicita que polo mesmo se formule proposta de modificación da entrada en vigor do contrato no relativo a citada prestación e cuantifica os importes que habería que detraer das mensualidades a aboar pola prestación do servizo dende o inicio da execución do contrato ata o 14 de xullo de 2015.

FUNDAMENTOS XURÍDICOS

-I-

O texto refundido da Lei de Contratos do Sector Público regula a modificación dos contratos con carácter xeral no Título V do Libro I, que leva por rúbrica precisamente “Modificación dos contratos” (artigos 105 a 108).

No entanto, no presente suposto non pode falarse en puridade dunha modificación do contrato, por canto os contratos se perfeccionan coa súa formalización (artigo 27.1 do TRLCSP) e no procedemento que nos ocupa, aínda non se adxudicou o contrato e, por conseguinte, non se formalizou, polo que de momento este non existe no mundo xurídico. Aberta a licitación, o órgano de Contratación, en data 20 de febreiro de 2015, acordou clasificar os licitadores en orde descendente, sendo o primeiro clasificado CONTENUR ESPAÑA, S.L.

A modificación do prego non está prevista na lexislación contractual por canto esta so regula a modificación do contrato unha vez perfeccionado. En consecuencia non fixa requisitos para a mesma. No entanto, dado que o presente procedemento foi obxecto dun procedemento de licitación que rematará precisamente coa adxudicación e posterior formalización do contrato e no mesmo xa hai un licitador primeiro clasificado, hai que considerar un trámite fundamental do mesmo o trámite de audiencia ó mesmo.

Tras o informe de fiscalización, o xefe do servizo xestor, Montes, Parques e Xardíns, en informe de data 31 de marzo de 2015, puxo de manifesto ó licitador o posible solapamento de dous contratos propoñéndolle que a prestación relativa ó mantemento, conservación e reposición das áreas biosaudables e áreas deportivas-ximnásticas non entre en vigor ata o 15 de xullo de 2015, coa correspondente detracción do prezo do contrato do importe relativo as citadas prestacións. CONTENUR ESPAÑA, S.L., en escrito de data 6 de abril de 2015 manifesta a súa conformidade coa citada proposta formulada polo xefe de Montes, Parques e Xardíns no informe de data 31 de marzo de 2015.

O importe a detraer, consonte a dilixencia do xefe do servizo de Montes, Parques e Xardíns de data 8 de abril de 2015 é de 5.405,48 € mensuais nos meses de maio e xuño e de 2.524 € no mes de xullo.

Así mesmo, a xuízo da informante, deberán respectarse ós límites á modificación dos contratos fixados no artigo 105.2, pois do contrario, poderían vulnerarse os dereitos dos demais licitadores no procedemento. Estes límites son os seguintes:

- A modificación do contrato non poderá realizarse co fin de engadir prestacións complementarias ás inicialmente contratadas.
- Non poderá ampliar o obxecto do contrato a fin de que poida cumprir finalidades novas non contempladas na documentación preparatoria do mesmo.
- Non poderá incorporar unha prestación susceptible de utilización ou aproveitamento independente.

No presente caso a modificación non é substancial, pois unicamente afecta a entrada en vigor dunha das prestacións que comprende o obxecto do contrato e respecta os límites das modificacións contractuais citados.

-II-

A competencia para a resolución do presente expediente correspóndelle á Xunta de Goberno Local (apartado 3 da disposición adicional segunda do TRLCSP), na súa calidade de órgano de contratación, previo informe da Asesoría Xurídica e da intervención municipais (artigo 114.3 TRRL apartados 3 e 8 da disposición adicional segunda do TRLCSP).

En mérito ó que antecede, SE PROPÓN Á XUNTA DE GOBERNO LOCAL como órgano de contratación, en uso das facultades que lle confire a lexislación vixente, a adopción do seguinte acordo:

“Reducir o prazo de execución respecto da prestación relativa ó mantemento, conservación e reposición das áreas biosaudables e áreas deportivas-ximnásticas, incluída no obxecto do contrato de servizos de conservación e reposición de parques infantís, áreas biosaudables, áreas deportivo ximnásticas e mobiliario urbán do concello de Vigo, que no comezará a prestarse ata o 15 de xullo de 2015, coa correspondente detracción do importe relativo as citadas prestacións das mensualidades a aboar ó adxudicatario ata a citada data, que ascenden a 5.405,48 euros mensuais”.

Acordo

A Xunta de Goberno local aproba, vistos os precedentes informes-propostas, acorda:

Primeiro.- “Adxudicar á Ferrovial Servicios, S.A., o procedemento aberto para a contratación dos servizos de conservación e reposición de parques infantís, áreas biosaudables, áreas deportivo ximnásticas e mobiliario urbán do concello de Vigo (expediente 7524-446), por un prezo de 1.412.609,52 euros (IVE engadido). Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada.”

Segundo.- Reducir o prazo de execución respecto da prestación relativa ó mantemento, conservación e reposición das áreas biosaudables e áreas deportivas-ximnásticas, incluída no obxecto do contrato de servizos de conservación e reposición de parques infantís, áreas biosaudables, áreas deportivo ximnásticas e mobiliario urbán do concello de Vigo, que no comezará a prestarse ata o 15 de xullo de 2015, coa correspondente detracción do importe relativo as citadas prestacións das mensualidades a aboar ó adxudicatario ata a citada data, que ascenden a 5.405,48 euros mensuais”.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a dez de abril do ano dous mil quince.

me

V. e Pr.
O ALCALDE,

Abel Caballero Alvarez.